

冊府元龜

第十冊

刪府元龜

中華書局影印

圖書在版編目(CIP)數據

冊府元龜/(北宋)王欽若等編. —北京:中華書局,
1960.6(2012.3重印)

ISBN 978-7-101-00386-4

I. 冊… II. 王… III. 百科全書-中國-北宋
IV. Z222

中國版本圖書館 CIP 數據核字(2003)第 048058 號

冊 府 元 龜

(全十二冊)

〔北宋〕王欽若等 編

*

中 華 書 局 出 版 發 行

(北京市豐臺區太平橋西里 38 號 100073)

<http://www.zhbc.com.cn>

E-mail: zhbc@zhbc.com.cn

北京市白帆印務有限公司印刷

*

787×1092 毫米 1/16·743½ 印張

1960 年 6 月第 1 版 2012 年 3 月北京第 7 次印刷

印數: 8501-9000 冊 定價: 2280.00 元

ISBN 978-7-101-00386-4

冊府元龜第十冊目錄

總錄部（一）

卷七五一	總序	八九三五
	孝一	八九三七
卷七五二	孝二	八九四九
卷七五三	孝三	八九六二
卷七五四	孝四	八九七四
卷七五五	孝五	八九八四
卷七五六	孝六	八九九二
卷七五七	孝感	九〇〇一
卷七五八	忠一	九〇一五
卷七五九	忠二	九〇二六
卷七六〇	忠義一	九〇三五
卷七六一	忠義二	九〇四五
卷七六二	忠義三	九〇五三
卷七六三	忠烈	九〇六一
	死節	九〇六八
卷七六四	義烈	九〇七二
卷七六五	攀附一	九〇八四
卷七六六	攀附二	九〇九八
卷七六七	儒學一	九一二二

卷七六八	儒學二	九一二一
卷七六九	自述一	九一三〇
卷七七〇	自述二	九一四四
卷七七二	世官	九一五八
卷七七三	志節	九一七〇
卷七七四	幼敏一	九一八六
卷七七五	幼敏二	九一九四
卷七七六	幼敏三	九二〇五
卷七七七	名望一	九二一五
卷七七七	名望二	九二二七
卷七七八	高尚一	九二三七
卷七七九	高尚二	九二四九
卷七八〇	博識	九二五九
卷七八一	節操	九二七二
卷七八二	榮遇	九二八九
卷七八三	世德	九二九九
	兄弟齊名	九三〇六
卷七八四	壽考	九三一四
卷七八五	守道	九三二四
	知足	九三三一
卷七八六	博學	九三三五
	多能	九三四一

卷七八七	德	九三四七	卷八〇三	義三	九五三五
卷七八八	德行	九三五二	卷八〇四	義四	九五四九
	智	九三五六	卷八〇五	高潔	九五六四
	智識	九三五八		棄官	九五六八
卷七八九	知幾一	九三六九	卷八〇六	賢德	九五七六
卷七九〇	知幾二	九三七八	卷八〇七	知言	九五八八
卷七九一	知賢	九三八六		清廉	九五九六
卷七九二	慕賢	九三九五		辭賞	九六〇〇
	思賢	九四〇二	卷八〇八	遠名勢	九六〇三
卷七九三	長者	九四〇五		避嫌	九六〇六
卷七九四	知禮	九四一五		嫉惡	九六〇七
	家法	九四一九	卷八〇九	隱逸一	九六一四
	矜嚴	九四二三	卷八一〇	隱逸二	九六二九
卷七九五	先見一	九四二七	卷八一一	游學	九六三九
卷七九六	先見二	九四四八		賜書	九六四五
卷七九七	博物	九四六四		聚書	九六四六
卷七九八	勤學	九四七一		晚學	九六四八
卷七九九	強記	九四八七	卷八一二	富	九六五一
	聰悟	九四九三		好施	九六五九
卷八〇〇	敏捷	九四九七	卷八一三	退迹	九六六六
卷八〇一	義一	九五〇七	卷八一四	讓	九六八〇
卷八〇二	義二	九五二二	卷八一五	誠感	九六九二

卷八一六	訓子一	九六九七
卷八一七	訓子二	九七一五
卷八一八	知子一	九七二五
卷八一九	知子二	九七三二
卷八二〇	立祠	九七三九
卷八二一	崇釋教	九七四九
卷八二二	尙黃老	九七六二
卷八二三	清談	九七七一
	蘊藉	九七七六
卷八二四	名字一	九七八二
卷八二五	名字二	九七九三
卷八二六	品藻一	九八〇〇
卷八二七	品藻二	九八〇七
卷八二八	論薦	九八一九
卷八二九	論議一	九八三二
卷八三〇	論議二	九八五〇
卷八三一	規諷一	九八六二
卷八三二	規諷二	九八七一

冊府元龜

巡按福建監察御史臣李嗣京 訂正

分守建南道左布政使臣胡維霖 參閱

知建陽縣事臣黃國琦較釋

總錄部

總序

夫人之生也分五氣之秀肖兩儀之體形貌既辨名字以立發於天資之謂性通於物理之謂識守道而舉之謂德循善而動之謂行尚其所愛之謂好學而後能之謂藝繫於窮通之謂天命非絲性情之謂人

冊府元龜

總錄部

卷之七百五十一

事反於善道之謂惡舉是九者亦可以周物之變矣若夫挺執志操綽有度量襟抱夷曠才用敏給公方亮直而克固其守高尚潔素而不累於物以至質樸而遲訥聰悟而機警剛勇而多力詞辯而強記疏蹤而率意矜嚴而自法者皆性之品也若夫智慮宏遠謀畫沉遠詳達典憲精別人物研幾微之際而觀其未萌達性命之理而知其定分有犯無隱得盡規之道見賢思齊敦慕善之志通禮制之升降察緒績之臧否知止而不殆聞義而厭服者皆識之品也若夫敦仁孝之本宣忠義之烈豐友悌之愛昭賢懿之名

敦信以待人克讓而後已誠明昭感陰騭敷被儉約

是守長厚成裕搗挹以自牧矜慎而用全或恪居厥官世濟明德勵清白之節勤幹蠱之業循守常道韜晦其才或圖報舊恩固辭爵賞解紛紜之患遠勞利之交不處嫌疑之間安於貧窶之際獨守介節放於隱居以至改過自新報怨以德輕財好施分災救患致托孤之義儉節終之禮者皆德行之品也若夫醴嗜所愛湛樂于酒崇聚編簡喜接過客奉清淨之化依圓寂之教醞藉於風度畜養於性情務為清談競餌丹石者皆好尚之品也若夫勵志儒素刻意文翰

冊府元龜

總錄部

卷之七百五十一

勤勞師問游息庠塾裁著於詞訓敷述於已志揚推精允談說明辯博識於異物多能於庶事射御臻詣筆札極精博奕甚工算數通妙善兵家之技審音樂之旨習工巧之業明方術之用達醫診之理極圖繪之事究人倫之法明地域之占者皆藝術之品也若乃運之否泰數之修短或榮進于世寵貴而隆盛或廢滯于時憂患而沉棄或攀附而崛起或周游而不遇或家列鍾鼎或貲無擔石以至流罹于厄難嬰仍於美疚招累而被譴非辜而罹疊感歎無所憂愧交懷或遁伏以苟生或困躓而貽辱者皆天命之異也

若乃世襲厥官家著訓法結好姻婭出繼入後氏立於祠祀家職於賜書宵寤有微謠言多驗若休急之令註名諱之文陳出餞之儀附置郵之信或多獲於時望或釣譽於天倫以至內舉其親自薦其器宴賞爲樂贈問有宜論交友生垂戒諸子游謁雅素慰薦所知請老而引年挂冠而退處庸奪情之命馳書節

之譽隱忍於恥媿披列於冤訴圖復仇怨作爲隱諸知將亡之期遺未亂之命者皆人事之異也若乃資質草陋性識顛蒙輕躁而寡謀與懦而無勇恢諧而縱辯銜帶以自矜乏知人之明昧舉士之理封執偏冊府元龜總錄部 孝一卷之七百五十一 三

見溺於私愛偷薄而無向猶介而失中吝嗇自資隘急成性述作狂簡學識孤陋以至反忠孝之理乖義睦之訓賦姦險之性極譏邪之體殘忍不道奢縱自安虧失禮章貪免賄賂奉上無恭肅之節在官極阿附之邪蹈善不終作僞彌拙好忿嗜怒詆訐於衆多忌賢能交構於禍患肆莠言以嗤誚摘缺望以譏刺文飾其短黨比所親厚誣善人巧覲榮宦豐葬送之禮任仇俠之氣以至極沉湎之過恣惟薄之亂妖惑以蠱衆厭勝而微福咎徵既集陰報斯至或亡匿而延喘或敗類而伏辜者皆惡之品也夫以天地和粹

之精凝而爲賢明爲正直其行不同而皆底於善陰陽舛沴之氣聚而爲愚闇爲姦回資性不類而皆底於惡善惡之際事以萬殊加以天命之難謀人事之多故紛綸古昔非可槩舉今但采明著前志可以戒勸者類之千篇其有姦臣僞迹亦附于後凡總錄部二百四十二

孝

夫孝三德之本百行之先也凡爲人子者生盡乎養沒盡乎禮有終身之憂無一日之樂欲報之恩昊天罔極此孝之至也昔仲尼爲曾子述孝經自天子諸侯卿大夫士至於庶人孝之道盡矣後之人有以見先聖之行成賢弟子之美千古而下以爲義訓孝之大者始於事親中於事君終於立身又曰立身行道揚名顯親之謂也是知聖人述作之旨以孝爲德本教之所繇生風化之大也故南陔日華之篇辭仁義存乎勸戒今之所述者歷選前代名臣古士奉親有聞者咸著千篇

冊府元龜總錄部 孝一卷之七百五十一 四

穎考叔顧谷封人也鄭武公娶于申曰武姜申國今河南陽宛生莊公及其叔段段出奔共故曰共叔段莊公寤生驚姜氏故名曰寤生遂惡之寤寐而莊公已生故驚而惡之愛共

叔段欲立之欲立以爲太子丞請於武公公弗許及莊公即位爲之請制公曰制巖邑也號叔死焉他邑唯命東

之京城太叔公姜請使段居京謂之京城太叔既言寵異於衆臣京鄭邑今榮陽京縣

而太叔命西鄙北鄙貳於已鄆鄭邊邑公子呂曰國不堪貳公將若之何公子呂

弗與則請除之無生民心叔段不除則舉國之民當生他心公曰無庸將自及言無庸除之禍將自及

今皆取以至於廩延言轉侵多也廩延鄭邑爲已邑爲已邑至於廩延陳留酸棗縣北有延津子封曰

可矣厚將得衆子封公子呂也公曰不義不暱厚將

冊府元龜總錄部卷之七百五十一

崩爲臣不義於君爲弟不親太叔完聚郭緒甲

兵具卒乘步曰卒將襲鄭夫人將啟之政開公聞其

期曰可矣命子封帥車二百乘以伐京古者兵車一乘甲士三人

步卒七人京叛太叔段入于鄆公伐諸鄆五月辛丑

太叔出奔共共國今汲遂置姜氏于城潁城潁鄭地而誓

之曰不及黃泉無相見也地中之泉既而悔之類考

叔聞之有獻於公公賜之食食舍肉公問之對曰小

人有母皆嘗小人之食矣未嘗君之羹請以遺之而食

不暇羹欲以發問也宋華元殺

羊爲羹餐士蓋古賜賤宦之常

公曰爾有母遺繫我

獨無繫語穎考叔曰敢問何謂也據武姜在公語之

故且告之悔對曰君何患焉若闕地及泉隧而相見

其誰曰不然延道公從之公入而賦大隧之中其

樂也融融賦賦詩也融融姜出而賦大隧之外其樂也

洩洩洩洩舒遂爲母子如初君子曰穎考叔純孝也

純猶散也愛其母施及莊公詩曰孝子不匱永錫爾類其

是之謂乎不匱純孝也莊公雖失之於初孝子不已

各以情言考叔感而通之所謂永錫爾類詩人之作

傳引詩不皆與今說詩者同他皆倣此

申生晉獻公太子也獻公寵驪姬有二子長曰奚齊

次曰卓子驪姬欲立奚齊謂太子申生曰君夢齊姜

必速祭之齊姜太子太子祭于曲沃歸胙于公胙祭

冊府元龜總錄部卷之七百五十一

內公田姬寘諸宮六日公至毒而獻之毒酒經宿輒

明公祭之地地墳與犬鬯姬泣曰賊繇太子太

子奔新城新城曲沃公殺其傅杜原款或謂太子曰子辭

君必辭焉以六日之太子曰君非姬氏居不安食不

飽我辭姬必有罪君老矣吾又不樂吾自理則姬死

樂不樂爲樂吾也曰子其行乎太子曰君實不察其罪被此

名也以出人誰納我魯僖公四年十二月戊申縊于

新城姬遂譜二公子曰皆知之重耳奔蒲夷吾奔屈

國語又載晉獻公將出太子申生而立奚齊荀息至

鄭里克乃別悉于武公公稱疾不與使奚齊蒞事猛

獨無繫語

遷為敬順所安為孝棄命不敬作令不孝又何圖焉且夫聞父之愛而嘉其明有不忠焉廢人以自成矣吾共止也申生祭其母齊姜於曲沃焉於獻公

驪姬使人置毒藥胙中獻公誅其傅杜原款或謂太子曰為藥者乃驪姬也太子何不辭明之君且恕之吾君老矣非驪姬不安食不其即辭明之君且恕之不可或謂太子曰可奔他國太子曰彼此惡名以出人誰納我我自殺耳二月戊申申生自殺於新城又云獻公將殺申生申生謂申生曰非子之罪何不去乎

申生曰不可去而罪釋彰父之惡而笑諸侯吾誰怨而入是重困也吾聞之仁不惡君智不重困勇不逃死吾伏以俟命申生將死使猛足言孤突曰申生有罪不聽伯氏以至於死申生不敢愛其死雖然吾君老矣國家多難伯氏不出奈吾君何伯氏苟出而圖

吾君申生受賜以至於死驪姬何悔是以諡為其君毅梁又載晉獻公伐魏得驪姬獻公私之存二子長日奚齊稚日卓子驪姬欲為亂故謂君曰吾夜有夢夫人趨而來曰吾苦夢胡不使夫人將衛士而衛家乎公曰孰可使曰臣草尊于世子則世子可故若謂

冊府元龜 總錄部 卷之七百五十一 七

世子曰驪姬夫人趨而來曰吾苦畏女子其將衛士而性衛家乎世子曰敬語葉官成驪姬又曰吾夜者夢夫人趨而來曰吾苦飢世子之宮已成則何為不使祠也故獻公謂世子曰其祠世子祠已致福於

若君田而不在驪姬以配為酒藥膳以毒食公田來驪姬曰世子已祠故致福于自君君將食驪姬曰食自外來不可不試也覆酒于地而地墳以脯與犬而犬死驪姬下堂啼呼曰天乎天乎國子之國也與

何遲於為君君謂然嘆曰吾與女未有過也是何與我之深也使人謂世子曰爾其圖之世子之傅里克謂世子曰入自明入自明則可以生不入自明則不

可以生世子曰吾君已老矣已昏矣吾若此而入自明則驪姬必死驪姬死則吾君不安所以使吾君不安若吾不若自死吾寧自殺以安吾君以重耳為寄矣糾脰而死

秦康公之母晉獻公之女文公遭驪姬之難未反而秦姬卒穆公納文公康公時為太子贈送文公于渭

之陽念母之不見也我見舅氏如母存焉及其卽位思而作渭陽之詩焉

晏嬰齊大夫父桓子以魯襄公十七年冬卒晏嬰薨衰斬 斬不緝也衰在 直經帶杖管屨 其麻之有子者扶管屨 食粥居倚廬寢苦枕草 此禮與士喪禮畧同草屨 非喪 其老日非大夫之禮也 夫喪服各有不同服正文 晏子為大夫而行士禮 日唯卿為大夫 晏子惡血已

其家臣不解故議之 日唯卿為大夫 晏子惡血已退辭以答 家老矣

子野魯襄公妾敬歸之子也二十一年六月公薨於楚宮立子野九月癸巳卒毀也 遇哀毀瘠以致滅性

冊府元龜 總錄部 卷之七百五十一 八

孔子在衛有送葬者而夫子觀之曰善哉為喪乎足以為法矣小子識之子貢曰夫子何善爾也日其往也如慕其反也如疑 蔡謂小兒隨父啼呼疑者

日豈若速反而虞乎 速疾也 子曰小子識之我未之能也 哀戚本也 祭祝未也

早魚哭聲甚悲孔子聞之曰驅驅前有賢者至則魚也披褐擁鎌哭於道傍孔子避車與之言日子非有

喪何哭之悲也魚曰吾失之三矣少而學游諸侯以後吾親失之一也高尚吾志間吾事君吾失之二也

與友厚而小絕之失之三矣樹欲靜而風不止子欲

養而親不待也往而不可得見者親也吾請從此辭矣立槁而死孔子曰弟子誠之足以識矣於是門人辭歸而養親者十有三人

伯魚之母死期而猶哭伯魚孔子子也名鯉猶尚也夫子聞之曰

誰與哭者門人曰鯉也夫子曰嘻其甚也略悲恨之言伯

魚聞遂除之

孟莊子魯大夫曾子曰吾聞諸夫子孟莊子之孝也

其他可能也其不改父之臣與父之政是難能也孟莊子仲孫也謂在諒陰之中父臣及父政雖有不善者不忍改也

高子皐孔子弟子名柴子皐之執親之喪也泣血三

冊府元龜總錄部卷之七百五十一

年言泣無聲未嘗見齒君子以為難言人不

少連太連東夷之子也善居喪三日不怠三月不懈

期悲哀三年憂

顏丁魯人善居喪始死皇皇馬如有求而弗得及殯

望望焉如有從而弗及既葬慨然如不及其反而息

曾參字子輿魯南武城人孔子以為能通孝道故授

之業作孝經參嘗曰往而不可還者親也至而不可

加者年也是故孝子欲養而親不待也木欲直而時

下使也是故推牛而祭墓不如鷄豚逮存親也故吾

嘗仕齊為吏祿不過鍾釜尚猶欣欣而喜者非所以

參也樂其建親也既沒之後吾嘗南遊於楚得尊官馬堂高九仞椽題三閭轉轂百乘循北鄉而泣涕者

非為賤也悲不逮吾親也故家貧親老不擇官而仕

若夫信其志約其親者非孝也又載曾子仕於魯得粟三秉方是之時曾

子重祿而輕其身親沒之後齊迎以相楚迎以令尹晉迎以上卿方是之時曾子重其身而輕其祿曾

子執親之喪水漿不入於口者七日其父皙嗜羊棗

而參不忍食羊棗公孫丑問孟子曰膾炙與羊棗孰

美羊棗棗名也曾子以父嗜羊棗父亡之後惟念其親不復食羊棗故身不忍食也公孫丑怪之故問

膾炙孰美也孟子曰膾炙哉言膾炙固美也公孫丑曰

然則曾子食膾炙而不食羊棗曰膾炙所同也羊棗

冊府元龜總錄部卷之七百五十一

所獨也諱名不諱姓姓所同也名所獨也曾子有疾

召門弟子曰啟予足啟予手啟開也曾子以為受身

使弟子隔食而視之詩云戰戰兢兢如臨深淵如履薄冰言此

喻已常戒慎而今而後吾知免夫小子力今日後我

難矣小子弟子也呼之者欲使聽而識之

閔損字子騫孔子弟子目錄云魯人少孔子十五歲孔子曰孝

哉閔子騫人不問於父母昆弟之言言子騫上事父母下順兄弟勤

靜盡善故人不

樂正子春曾子弟子以孝名聞下堂而傷其足數月

不出猶有憂色門弟子曰夫子之足瘳矣數月不出

猶有憂色何也樂正子春日善哉爾之間也吾聞諸

曾子聞諸孔子曰天之所生地之所養唯人爲大父

母全而生之子全而歸之可謂孝矣不虧其體不辱

其親可謂全矣故君子頃步而弗敢怠孝也今予忘

孝之道予是以有憂色也頃當爲雖聲之誤也一舉足而不敢

忘父母一出言而不敢忘父母是故道而不徑舟而

不遊不敢以先父母之遺體行乎殆一出言而不敢

忘父母是故惡言不出於口忿言不及於身不辱其

身不差其親可謂孝矣徑步邪趨疾也忿言不及於身人不能無忿忿怒之言

不敢以忿言來也其視疾也復加一飯則脫然愈

冊府元龜總錄部 卷之七百五十一 十一

復損一飯則脫然愈復加一衣則脫然愈復損一衣

則脫然愈脫然疾除貌也言消息得其節其母死五日而不食曰吾

悔勉強過禮也自吾母而不得吾情吾惡乎用吾情惡猶何也

漢石建萬石君奮之子建爲郎中令白首萬石君尚

無恙每五日歸謁親即官五入于舍竊問侍者取親

中帶謂父也廁謂父也溺謂父也親謂父也若今言中衣也

也世謂小襦衫爲溺復與使者不敢令萬石君知之

以爲溺萬石君卒建哭泣哀思杖廼能行歲餘建亦

死諸子孫咸孝然建最甚

馮塘以孝若爲郎中署長以孝得爲郎中而馮郎署之長也音竹助切

公孫弘養後母孝禮後母卒服喪三年位至丞相

霍去病父中孺河東平陽人中讀以縣吏給事平陽

侯家縣遺吏於侯侯家供事也與侍者衛少兒私通而生去病中

孺吏畢歸家娶婦生光因絕不相聞久之少兒女弟

子夫得幸於武帝立爲皇后去病以皇后姊子貴幸

既壯大廼自知父爲霍中孺未及求問會爲驃騎將

軍擊匈奴道出河東太守郊迎負弩矢先驅郊迎近

之上也先驅者導其路也至平陽傳舍遣吏迎霍中孺趨入拜謁

將軍迎拜因跪曰去病不早自知爲大人遺體也中

孺扶服叩頭服音蒲曰老臣得託命將軍此天力也

冊府元龜總錄部 卷之七百五十一 十二

去病大爲中孺買田宅奴婢而去還復過焉

金日磾本匈奴休屠王太子與弟倫俱沒官母教誨

兩子甚有法度武帝聞而嘉之病死詔圖畫於甘泉

官署曰休屠王閼氏日磾每見畫輒拜鄉之涕泣然

後廼去位至侍中駙馬都尉

杜延年父周爲御史大夫延年後爲御史大夫居父

官府不敢當舊位坐皆易其處

韋玄成父賢其先魯人以昭帝時徙平陵玄成別徙

杜陵病且死因使自白曰不勝父子恩願乞骸骨歸

葬父墓上許焉而韋賢次子舜留魯守墳墓位丞相

翟方進爲丞相身既富貴而後母尚在方進內修行飾供養甚焉

原涉父爲南陽太守卒時少行三年喪者涉讓還南陽賻送行喪冢廬三年餘是顯名京師涉位至天水太守

後漢梁統更始二年召補中郎將使安集涼州拜酒泉太守會更始敗赤眉入長安統與竇融及諸郡守起兵保境謀共立帥初以位次咸共推統統固辭曰昔陳嬰不受主者以有老母也今統內有尊親又德薄能寡誠不足以當之遂其推融爲河西大將軍

冊府元龜

總錄部
孝一

卷之七百五十一

十三

鄧禹內文明篤行淳儻事母至孝位至太傅

樊儵宏子也謹約有父風事後母至孝及母卒哀思過禮毀病不自支光武嘗遣中黃門朝暮送餽粥位至光祿大夫

鍾期父猛爲桂陽太守卒期服喪三年鄉里稱之位至衛尉

祭遵喪母負土起墳位至征虜將軍

祭彤早孤至孝見稱遇天下亂野無烟火而獨在家側每賊過見其尚幼而志節皆奇而哀之位至太僕

魯恭父建初爲武陵太守卒恭年十二弟丕七歲晝夜號哭不絕聲郡中賻贈無所受乃歸服喪禮過成人鄉里奇之恭位至司徒

孔奮事母孝謹雖馬儉約奉養極求珍膳躬率妻子同甘菜茹位至武都太守

戴良字叔鸞汝南慎陽人少誕節母喜驢鳴良嘗學之以娛樂焉及母卒兄伯鸞居蘆噉粥非禮不行良獨食肉飲酒哀至乃哭而二人俱有毀容或問良曰子之居喪禮乎良曰然禮所以制情佚也情苟不佚何禮之論夫食旨不甘故致毀容之實若味不存口

冊府元龜

總錄部
孝一

卷之七百五十一

十四

食之可也論者不能奪之

廉范祖丹爲王莽大司馬庸部牧父遭喪亂客死於蜀漢范遂流寓西州西州平歸鄉里年十五辭母西迎父喪蜀郡太守張穆丹之故吏乃重資送范范無所受與客步負喪歸葭萌載船觸石破沒范抱持棺柩遂俱沉溺衆傷其義釣求得之療救僅免於死穆聞復馳遣使持前資物追范范又固辭位至蜀郡太守

劉平本名曠更始時天下亂平弟仲爲賊所殺其後賊復忽然而至平扶持其母奔走逃難與母俱匿野

澤中平朝出求食逢餓賊將烹平叩頭曰今日爲老
母求菜老母待曠爲命願得先歸食母畢還就死因
涕泣賊哀而還之位至宗正

陸續會稽人爲州別駕從事刺史尹興坐楚王英事
徵詣廷尉續考掠備至終無異辭續母遠至京師謁
候消息獄事特急無緣與續相聞母但作饋食付門
卒以進之續雖見考苦毒而辭色慷慨未嘗易容唯
對食悲泣不能自勝使者怪而問其故續曰母來不
得相見故泣耳使者大怒以爲獄門吏卒通傳意氣
名將案之續曰因食饋羨識母所自調和故知來耳
冊府元龜總錄部 孝一 卷之七百五十一 十五

非人告也使者問何以知母所作乎續曰母嘗截肉
未嘗不方斷葱以寸爲度是以知之使者問諸謁舍
續母果來於是陰嘉之上書說續行狀帝卽赦與等
事

鄧彪明帝時爲太僕數年喪後母辭疾乞身詔以光
祿大夫行服

班超字仲升固之弟爲官寫書受直以養老母明帝
問固知之除超爲蘭臺令史

王琳字巨尉年十餘歲喪父母因遭大亂百姓奔逃
惟琳兄弟獨守家廬號泣不絕

桓典喪母事叔母如事親位至光祿勳
趙孝爲衛尉以孝行聞弟禮爲御史中丞禮亦恭讓
行已類於孝

江革齊國臨淄人失父獨與母居遭天下亂盜賊並
起革負母逃難備經險阻常採拾以爲養數遇賊或
却欲將去革輒涕泣求哀言有老母辭氣愿歛愿謹也故
也有足感動人者賊以是不忍犯之或乃指避兵之
方速得俱全於難革轉客下邳窮貧裸跣行傭以供
母便身之物莫不畢給建武末年與母歸鄉里每至
歲時縣當案北案驗以北之革以母不欲遙動自在
冊府元龜總錄部 孝一 卷之七百五十一 十六

韓中輓車不用牛馬繇是鄉里稱之曰江巨孝太守
嘗傳禮召革以母老不應及母終至性殆滅伏冢廬
服竟不忍除郡守遣丞掾釋服因請以爲吏位至諫
議大夫

彭修會稽毗陵人年十五父爲郡吏得休與修俱歸
道爲盜所劫修因迫乃拔佩刀前持盜帥曰父辱子
死卿不顧死邪盜相謂曰此童子義士也不宜逼之
遂辭謝而去鄉黨稱其各位至吳令

馮豹衍子也後母惡之嘗因豹夜寐欲行毒害豹逃
走得免敬事愈謹而母疾之益深時人稱其孝位至

尚書

竇章以三輔遭羗寇避難東國家於外黃外黃縣屬陳留故城

在今汴州雍丘縣東居貧蓬戶蔬食躬勤孝養位至大鴻臚

朱穆年五歲便有孝稱父母有病輒不飲食差乃復

常位至尚書

樂恢父親為縣吏得罪於令收將殺之恢年十一常

俯伏寺門晝夜號泣令聞而矜之即解出親位至駙

都尉

汝郁性仁孝年五歲母病不能食郁常抱持啼泣亦

不食母憐之強為飯守親共異之因字曰叔異及親

冊府元龜總錄部 卷之七百五十一 十七

歿遂隱處山澤

黃香年九歲失母思慕憔悴殆不免喪鄉人稱其至

孝年十二太守劉護聞而召之署門下孝子甚見愛

敬香家貧內無僕妾躬執苦勤盡心奉養位至魏郡

太守

毛義字少節廬江人家貧以孝行稱南陽人張奉慕

其名往候之坐定而府檄適至以義守令義捧而入

喜動顏色奉心賤之自恨來固辭而去及義母死去

官行服數辟公府為縣令進退必以禮後舉賢良公

車徵遂不至張奉嘆曰賢者因不可測往日之喜乃

為親屈也斯蓋所謂家貧親老不擇官而仕者也

周磐汝南安城人居貧養母儉薄不充嘗誦詩至汝

墳之卒章慨然而歎韓詩曰汝墳辭家也其卒章曰

父母孔憂乃解韋帶就孝廉之舉頻除任城陽夏重合三

縣令思母棄官還鄉里及父母歿哀至幾於毀滅服

終遂廬于家側教授門徒常千人公府三辟皆不就

以有道特徵磐語友人曰昔方回友父書神養和不

以榮利滑其生術吾親以歿矣從物何為遂不應

友父如堯時隱人

霍諝遷金城太守遭母憂自上歸行喪服

冊府元龜總錄部 卷之七百五十一 十八

鮑永事後母至孝妻嘗於母前叱狗永即去之位至

光州牧

趙咨以燉煌太守病免還躬率子孫耕農為養盜嘗

夜往劫之咨恐母驚懼乃先至門迎盜因請為設食

謝曰老母年八十疾病須養居貧朝夕無儲乞少置

衣糧妻子物餘一無所請盜皆慙嘆跪而辭曰所犯

無狀干暴賢者言畢奔出咨追以物與之不及錄此

益知名

韋彪孝行純至父母卒哀毀三年不出廬寢服竟意

瘠骨立醫療數年乃起位至大鴻臚

鄧騰母新野君寢疾騰兄弟竝上書求還侍養太后

賜安車駟馬及新野君薨騰等復乞身行服章連上太后許之

騰等既還鄉第竝居家旁間至孝骨立有聞當時位

至特進

桓麟爲許令病免會母終麟不勝喪未祥而卒

薛包汝南人好學篤行喪母以至孝聞及父娶後妻

而憎包分出之包日夜號泣不能去至被歐杖不得

已廬於舍外旦入而灑掃父怒又逐之乃廬於里門

昏晨不廢積歲餘父母慙而還之後行六年服喪過

冊府元龜

總錄部 孝一

卷之七百五十一

十九

乎哀微拜侍中不起

申屠蟠陳留外黃人九歲喪父哀毀過禮服除不進

酒肉十餘年每忌日輒三日不食徵博士不至

姜肱字伯淮家世名族肱與二弟仲海季江俱以孝

行著聞其友愛天至嘗共卧起及各娶妻兄弟相戀

不能別寢以係嗣當立乃遁往就室徵大中大夫不

拜

李曇字雲少孤繼母嚴酷曇性純孝定省恪勤妻子

恭奉寒苦執勞不以爲怨得四時珍玩先以進母爲

鄉里所稱法養親行道終身不仕

袁閎字夏甫父賀爲彭城相閎往省謁變名性徒行

無旅旣至府門連日吏不爲通會阿母出見閎驚入

白夫人乃密呼見旣而辭去賀遣車送之閎稱眩疾

不肯乘反郡界無知者及賀卒郡閎兄弟迎喪不受

賻贈衰經扶柩冒犯寒露體貌枯毀手足血流見者

莫不傷之

陳紀以至德稱兄弟孝養閭門雍和後進之士皆推

慕其風遭父母憂每哀至輒歐血絕氣雖衰服已除

而積毀消瘠殆將滅性豫州刺史嘉其至行表尙書

圖像百城以厲風俗位至大鴻臚

冊府元龜

總錄部 孝一

卷之七百五十一

二十

楊震少孤貧獨與母居假地種楡以給供養諸生嘗

有助種藍者震輒拔更種以距其後鄉里稱孝位至

太尉

孫期濟陰成武人家貧事母至孝牧豕于大澤中以

奉養焉司徒黃琬辟不行

謝該仕爲公車司馬令以父母老託疾去官

崔寔父卒隱居墓側服竟三公竝辟皆不就拜遼東

太守行道母劉氏病卒上疏求歸葬行喪位至尙書

虞詡陳國武平人也早孤孝養祖母縣舉順孫國相

奇之欲以爲吏詡曰祖母九十非謂不養相乃止位

至尚書令

張武吳郡繇拳人父業郡門下掾送太守妻子還鄉里至河內亭盜夜劫之業與賊戰死遂亡失屍骸武時年幼不及識父後之大學受業每節嘗持父遺劍至亡處祭醢泣而還太守第伍倫嘉其行舉孝廉遭母喪過毀傷父魂靈不返因哀慟絕命

李充遭母喪行服墓次人有盜其樹者充手自殺之嘗居先人家側未嘗入城市位至左中郎將

廖扶父爲北海太守坐羗沒郡下獄死扶感父以法害身憚爲吏及服終而嘆曰老子有言名與身孰親

冊府元龜總錄部 卷之七百五十一 二十一

吾豈爲名乎遂絕去世外專精經典

李應轉蜀郡太守以母老乞不之官

劉茂少孤獨與母居家貧以筋力致養孝行著於鄉

里位至侍中

孔融年甫十三甚母哀悼過毀扶而後起州里歸其

孝位至大中大夫

郭林宗有至孝遭母憂嘔血發病歷年乃瘳徵有道

不就

种劭爲益梁二州刺史會父拂與李摧等戰死竟不

之職服終徵爲少府大鴻臚皆辭不受曰昔我先父

以身殉國吾爲臣子不能除殘復怨何面目朝觀明主哉遂與馬騰韓遂及左中郎劉範諫議大夫馬宇共攻李傕郭汜以執其仇與汜戰于長平觀下車敗劭等皆死騰遂還涼州

胡廣爲太傅錄尚書時年已八十心力克壯繼母在堂朝夕瞻省傍無几杖言不稱老及母卒居喪盡哀率禮無愆

鮑昂有孝義節行初父得病數年昂俯伏左右衣不綰帶及處喪毀瘠三年抱負乃行服闋遂潛于墓次不關時務舉孝廉辟公府連徵不至卒

冊府元龜總錄部 卷之七百五十一 二十二

皇甫堅壽者嵩之子也董卓與嵩有隙有司承旨奏嵩下吏將遂誅之堅壽與卓素善自長安走雒陽歸投於卓卓乃置酒歡會堅壽直前質讓責以大義叩頭流涕坐者感動皆離席請之卓乃起牽與共坐使兒嵩因復拜嵩議郎

蔡邕性篤孝母嘗帶病三年邕自非寒暑節變未嘗解襟帶不寢寐者七旬母卒廬於冢側動靜以禮有兎馴擾其室傍又木生連理遠近奇之多往觀焉位至左中郎將

朱雋少孤母嘗販繒爲業雋以孝養位至大司農